

中華郵政特准掛號認爲新聞紙類

中華民國十一年六月廿一日至十五日 第三十五期

湖南政府

(印代司公刷印新鼎街理沙長)

價
目

- (一) 本報每月每份光洋八角
- (二) 外埠每月每份另加郵費二角
- (三) 每冊零售一角四分

湖南省長公署發行

目錄

總務

省長委令王健署理資興縣知事由

省長委令樊耀琳署理益陽縣知事由

省長委令朱芾署理通道縣知事由

省長委令黃裳元署理古丈縣知事由

內務

省長指令永興縣知事呈據何學海等爲受賄埋證造意呈覆懇令委勘一案仰祈察核由

省長咨覆省議會准令行衡陽縣知事迅將李勁省議員當選証書改爲李況松由
省長訓令衡陽縣知事查明省議員李勁當選正書改爲李況松由

省長電益陽知事查明劉文渙選舉一案由

省長函致華洋籌賑會請迅察益陽災情補給賑款由

教育

省長指令第一區省視學姚孟宗呈報視察寶慶學務情形由

省長訓令寶慶縣知事查照姚視學報告該縣教員成績及捐資興學人員傳諭嘉獎由

省長訓令南縣知事將該縣縣立國民學校改歸區立由
省長訓令各縣知事照章選送合格學生應考湖南私立嶽雲中學校由

省長訓令省教育經費保管委員會匯寄交通大學上海學校湘生吳達模等上期學費由
省長批省教育會呈請開設師範大學並託北高代辦研究科由

省長指令衡陽縣知事呈請委任周蔚堂爲縣視學由

省長委令周蔚堂爲衡陽縣縣視學由

實業

省長指令慈利縣知事呈爲奉令辦理晉豐公司陳漢槎抗交硫磺一案情形由

省長訓令湘礦運銷公司迅即赴慈領欵並將照據逕繳該縣轉給由

省長指令勸工場呈爲特別添置公用品擬具概算請核示由

省長指令湖南水利局長唐義彬呈報職員姓名履歷懇分別加委由

省長委令曾繼鄂楊聲溢等爲水利局科長楊德馨等爲清理湖田委員由

省長訓令湖南磁業公司董事會迅將現在狀況及整理辦法詳實具報核奪由

省長訓令寧遠縣知事迅將該縣苗圃情形轉咨議參兩會酌籌辦理具報備查由

財政

省長指令長沙縣知事呈爲前衡山局收支劉德峻前攸局收支劉名達虧欠課款懇以該員等所管油鋪街地皮抵償由

省長訓令湘岸榷運總局知照前衡山局收支虧欠課款自願破產抵償由
省長指令造幣廠呈爲舊債攤還追難容緩再申前請懇令遵行由

省長函覆英國駐湘領事函擬請飭沅江等縣取銷蚕豆出口禁令由

省長指令財政廳廳長唐鹹呈請辭職不准由

司 法

高等審判廳指令南縣知事朱家緝呈費九年度上下兩度司法收支一覽表由

高等檢察廳指令耒陽縣知事據報朱集東命案相驗情形由

高等檢察廳指令祁陽縣知事據報朱建棚命案相驗情形由

高等檢察廳指令湘陰縣知事據報大有裕等被劫案委員勘緝情形由

高等檢察廳指令益陽縣知事據報余衛命案相驗情形由

高等檢察廳指令瀏陽縣知事據報廖才茂命案相驗情形由

高等檢察廳指令祁陽縣知事據報押犯王經濟自縊一案由

湖南高等審判廳

民庭公開審理日期通告

目 錄



總務

湖南省長公署委任令

令署理資興縣知事王健

爲令委事案照資興縣知事彭振鏞調省遺缺查有王健堪以署理除分令外爲此令仰該知事卽便遵照赴日馳赴資興縣接印視事仍將到任日期及接收交代情形連同履歷具報備查此令

趙恒恩

中華民國十一年六月十六日

湖南省長公署委任令

令署理益陽縣知事賀耀琳

爲令委事案照益陽縣知事雷豫辭職業經照准遺缺查有賀耀琳堪以署理除分行外爲此令仰該知事卽便遵照迅即馳赴益陽縣接印視事仍將到任日期及接收交代情形連同履歷具報備查此令

趙恒恩

中華民國十一年六月二十一日

湖南省長公署委任令

令署理通道縣知事朱芾

總務

爲令委事案照通道縣知事粟嚴調省遺缺查有朱芾堪以署理除分行外爲此令仰該知事卽便遵照迅卽馳赴通道縣接印視事仍將到任日期及接收交代情形連同履歷具報備查此令

趙恒恩

中華民國十一年六月二十一日

湖南省長公署委任命

令署理古丈縣知事黃裳元

爲令委事案照古丈縣知事洪拱北辭職業經照准遺缺查有黃裳元堪以署理除分行外爲此令仰該知事卽便遵照迅卽馳赴古丈縣接印視事仍將到任日期及接收交代情形連同履歷具報備查此令

趙恒恩

中華民國十一年六月二十一日

內務

湖南省長公署指令

湖

南

政

報

令永興縣知事江海宗

呈據何學海等爲受賄理證造意呈覆懇令委勘一案仰祈察核由

悉查此案因該知事暨耒陽知事所陳意見書情詞各執無從懸揣特令委員勘查會覆原以定經界而息紛爭乃委勘之後該兩縣知事意見不合未能會覆本公署查核劉委呈報勘明各節尙屬詳晰決定以新老兩墟接壤處之土地廟爲界老墟屬耒新墟屬永辦法甚爲平允至該縣與耒陽交界區域按諸縣志省圖耒居永之西北永居耒之東南位置至爲瞭然前次劃分學區該縣圖內祇載明有眞武溪並未載明即永耒交界之處來呈所稱殊屬誤會仰仍遵照本公署內字第五八八六號訓令會同耒陽知事迅速辦理毋稍違延致干未便並將轉飭該公民等一體遵照此令

趙恒愚

中華民國十一年六月十六日

湖南省長公署咨省議會文

爲咨覆事案准

貴會咨開案據《敝會衡陽籍議員李勁緘稱敬啟者賤名與本會保靖籍省議員李君勁相同而湘鄂

間之同此姓名者尙有三人生同時地諸感不便茲特改以字行卽請轉咨省政府令行衡陽縣知事迅將當選證書更正特此奉懇即請察照見示爲荷等語查姓名相同本極不便於公於私滋多誤會相應轉咨貴署請煩查照令行衡陽縣知事迅將李勁省議員當選證書改爲李況松至訛公誼此咨等因並証書一件到署除令衡陽縣知事遵照辦理外相應咨覆

貴會查照此咨

湖南省議會

中華民國十一年六月十七日

湖南省長公署訓令

趙恒愬

令衡陽縣知事

案准湖南省議會咨開案據同上括弧內此咨等因並証書一件到署除咨覆外合行檢發原咨証書一件令仰該知事查明更正呈署以憑咨轉給領此令

計發証書一件

趙恒愬

中華民國十一年六月十七日

致益陽知事電

益陽知事覽據文彬等電稱縣選調查員劉文渙高超然當選是否有効等情查調查員應受選舉法第五條之拘束據呈是否屬實仰即查明依法辦理省長趙灰印

湖南省長公署公函

遷啟者案據江皖浙鄂湘黔災賑會查放專員薛祈齡佳電稱祈齡赴湘西辦賑起道益陽見其災情之慘上鄉尤重緣該地接連安寶故其荒象與安寶無異去歲頻年供給軍糈倉箱悉匱以致斷炊忍餓比屋皆然轉徙流亡全村盡是草根樹葉早已採掘俱窮鵠面鳩形大半呻吟待斃凡此慘狀目擊心傷而竟無由上達者始聞勘災委員未暨誅求匿而不報繼則地方知事無所依據畧而未詳故安寶得拜仁人之賜而慘於安寶者竟同化外之事也我總座胞與爲懷原無厚薄貴會慈祥在抱詎忍漏遺尙祈念切痛深設法救濟俾嗷嗷待命災黎不至盡爲餓殍則恩德無量矣仰求駿惠靜候鴻裁等情據此查原電分呈

貴會有案事關漏報災情補給賑款究應如何核辦之處相應函請迅予
察照施行爲荷此致

湖南華洋籌賑會

中華民國十一年六月十七日

內務



教 育

湖南省長公署指令

令第一區省視學姚孟宗

呈報視察寶慶學務情形由

呈表均悉呈稱鞏固經費促進義務教育改善實業教育糾正學風各節均屬切要之件應准令行該縣知事督令分別辦理並將籌定經費及推行義務教育各事項按照本署迭頒呈報辦法分別呈報所有應行獎勵各員暫令由該知事一體傳語嘉獎其中成績最著或捐貲興學者應由該縣知事查照小學教員褒獎規程及捐貲興學褒獎條例造具事實表另案呈請核辦愛蓮女師範班次人數尙無不合准照原案給予補助金仰併知照此令表存

趙恒懋

中華民國十一年六月十四日

湖南省長公署諭令

令寶慶縣知事

爲令行事案據省視學姚孟宗呈稱竊寶慶教育狀況經職於民國十年三月巡視一周具文報告在案茲於本年三月復行前往視察經月畢事所有關於教育行政學校教育及社會教育情形理合就觀察

所及分別繕具詳細表冊呈請鑒核備案惟查該縣實施義務教育辦法如養成師資籌集經費兩項尙有具體辦法五年之外師資不患缺乏而經費籌集則法案雖已成立而實行竟未着手如抽收畝捐指撥田賦月息兩項本經呈准有案然一則以旱匪成災刻難實行一則以地紳把持未肯劃出他若寺廟會積各項學捐則他縣推行盡利而該縣亦少所發動經費無着設學維艱此義務教育不能如期之原因也應請飭縣督同勸學所將疊次案定各項教育經費認真提撥毋任稽延此義務教育基礎宜鞏固者也又查該縣名爲十八學區而學務委員乃多至五十餘所各會委員自十餘人至三四人不等顯與定章不符且該員等賢愚混雜品類至不齊一往往憑藉名義把持一鄉而於本身應盡職務多不過問甚至對於教育絕無見解通觀一年來各委員會所有之辦學成績其佳良者殆無一二此種有名無實之機關多設未見有益應請飭縣切實歸併一面將原有學務委員認真考查去竊留良以期實事求是此義務教育之宜促進者也又查該縣實業教育原有羣智乙種工業東湖乙種農業兩校工業以款紓暫停乙種農業雖繼續開辦然經費奇絀設備絕無蚕科教授上之標本模型與實習上之機械藥品均付缺如農科雖有廣漠農場亦爲經費所限少所布置教者徒作紙上空談學者詎有明確觀念以是爲教收效幾何應請飭縣別籌經費發交該校俾設備稍臻完善教學自收效益此該縣實業教育急宜改善者也又查該縣學風年來日趨浮囂出軌行動數見不鮮如一二聯合縣立中學校學生之好在校外滋事縣立第一高等小學校學生之毆辱教職員均經數見固由青年性情浮動易受不良習慣之薰陶然在學校方面亦未絕對負責有以致之蓋學術多不足以饜其心環境足以移其氣管理放任恣其

所爲一動難靜理固宜然應請飭縣轉飭各校一面爲形式上之嚴重約束一面爲精神上之根本改圖治標治本兼程並進學風整飭庶其有望此該縣年來學風敗壞之即宜救正者也至該縣縣立中學校數學教員李樹人國文教員李元馨甲種師範講習所教員劉鑰乙種農業學校教員謝國權模範國民學校教員李實愛蓮女子師範學校小學主事李彥教員劉淑行吳家琛吳珊等均屬學有專長管教合法應請傳諭嘉獎循程學校校長劉新教員賀模石建殊等均屬盡力教育歷久而不懈以致該校成績優良爲一時冠應請特別嘉獎又該校校董岳季吾簡敬等各出私財盡教育十年經營到底不懈應請從優獎勵以資觀感此該縣盡力教育人員之宜獎勵者也所有該縣教育情形除詳表論列外理合補叙大畧呈候鑒核是否有當伏候鈞裁等情並賚報告表到署據此除指令同上此令印發外合行抄發視察報告記要九件令仰該知事即便遵照辦理並令行勸學所及各該校遵照此令

計抄件一份

趙恒恩

中華民國十一年六月十四日

湖南省長公署訓令

令南縣知事

爲令行事案據第二區省視學朱炎呈稱竊視學視察南縣教育情形尙須數日方能完畢惟查該縣城鄉縣立國民學校計三十一校概由縣欵開支爲數甚鉅勸學所及教育界多數人員僉謂非改歸區立

由區教育經費開支收回縣教育經費則師範講習所暨社會教育等種種事業終以經費無着無從進行嗣視學實地考查該縣情形雖與該勸學所等所述無異然欲從事更改非先縷敘理由暨與各區開闢財源增加區教育經費似屬難行茲擬就開財源改區立暨實施辦法各緣由另摺粘呈鈞署至可否令行該縣知事查照辦理之處伏祈核奪施行等情據此除指令呈摺均悉據稱南縣縣立國民學校至於三十校之多概由縣教育經費項下開支爲數甚鉅籌措維艱自係實在情形若不改歸區立由區教育經費開支勢必窮於應付仰候令行南縣知事斟酌情形以次妥辦改歸區立可也此令印發外合行鈔發摺呈令仰該知事卽便妥慎辦理此令

計抄發摺呈一件

趙恒恩

中華民國十一年六月十四日

湖南省長公署訓令

令各縣知事

爲令行事案據湖南私立嶽雲中學校校長何炳麟呈稱竊屬校感湖南體育人才之缺乏特辦體育專修科教授專門學識與技能以養成體育專門人才爲宗旨曾將簡章呈請鈞署備案在卷現暑期伊邇亟待招生而各屬限於聞見未能週知用特備文連同廣告呈請鈞署令飭各屬知事轉勸學所代爲張貼並照章選送合格學生三名屆時來校應考以宏作育深爲學便等情據此除指令呈件均悉准予通

飭遵辦廣告發還即由該校逕送各縣張貼可也仰卽知照此令印發並分行外合行令仰該知事卽便
遵照辦理此令

趙恒惲

中華民國十一年六月十四日

湖南省長公署訓令

令省教育經費保管委員會

爲令行事案據交通大學上海學校湘生吳達模等電稱本學期將終生等應領學費並前欠十年上期
半數請予速滙等情據此查該生等十一年度上期學費計光洋一百五十元前經令飭該會滙寄在案
茲據前情合行令仰該會即便遵照滙寄此令

趙恒惲

中華民國十一年六月十六日

湖南省長趙示

批省教育會呈請開設師範大學並託北高代辦研究科由
呈悉省憲公布十二年度卽應籌設大學一所至十二年度大學成立即可開辦教育科自毋庸另設師範
大學其在大學未成立以前能託北京高等師範學校代辦研究科固屬甚善惟是北高另爲湘省設置
一科需費甚鉅刻難措辦其有志研究者儘可暫赴北高或東南大學自行投考教育事業原須與日俱

進現任教職各員如能隨時考察乘機練習用期適合於新舊迭嬗之改進是則本省長所厚望也此批
中華民國十一年六月十六日

湖南省長公署指令

令衡陽縣知事

三
期

呈請委任周蔚堂爲縣視學由
呈及履歷均悉查核周蔚堂資格尙屬相符應准令委委任令隨文附發仰即轉給具領此令
計發委任令一件

趙恒恩

十

中華民國十一年六月十六日

湖南省長公署委任令

令衡陽縣縣視學周蔚堂

爲令委事案據衡陽縣知事譚永端呈請委任周蔚堂爲縣視學除指令照准外合行令委該員卽便認
真視察毋負委任此令

趙恒恩

五

中華民國十一年六月十六日

實業

湖南省長公署指令

令慈利縣知事

呈爲奉令辦理晉豐公司陳漢槎抗交硫磺一案情形由

呈及抄約均悉據稱陳漢槎所有偏孔塘硫磺鑛權鑛區僻在山隅利益微末拍賣難得高價即由谷岸
靖等以五千元承買應予准行仰即轉飭谷岸靖等迅將此項價款照約兌交以便銷案其溺斃警士卹
金及趙聲溢前領磺塊由債款內抵各節均准如呈辦理至押存運銷公司之鑛圖鑛照印証及欠款契
據等件仰候令飭該公司迅即赴慈領款並將照據逕繳該縣轉給此令抄約存

趙恒懸

中華民國十一年六月十二日

湖南省長公署訓令

令湘礦運銷公司

爲令行事業案據慈利縣知事彭海源呈稱呈爲晉豐硫磺公司陳漢槎售讓鑛權攤還債務照抄契約賣
請察核飭湘礦運銷公司退繳所押鑛圖鑛照印證發縣領款銷案事本年五月八日奉鈞署指令據知
事呈覆訊追晉豐公司陳漢槎抗交硫磺一案由令開呈抄均悉據稱該經理陳漢槎甘願羈押并無退

款及履行原約之誠心長此糾紛終無了日應卽准如所擬將晉豐公司礦權拍賣攤還公私各債惟拍賣方法應以投標爲準其價不得在四千元以下至所得代價應依照破產法攤還公私各債方足以昭公允仰卽遵照辦理仍將辦理情形具覆察奪等因奉此正遵辦間旋據陳漢槎谷岸峭即師韓以售讓鑛權清償債務懇轉呈銷案等事呈稱緣生漢槎因承繼先兄陳顯璜晉豐硫礦公司礦權開採硫礦以受時局影響大受虧折致負債累累無力償還計欠湘磺運銷公司債款光洋一千三百一十元又欠生漢槎姪陳績讓與鑛權代價洋一千六百元又欠官地坪市永和興等商債計洋八百元又因去歲將鑛權一半售讓於谷岸峭計已用去洋八百元又迭年欠納鑛井稅計洋三百元之譜合計其欠債款四千八百餘元自生漢槎於去年將鑛權一半售讓於谷岸峭承買後致激成運銷公司經理廖樹勛呈控省署轉令鈞署將鑛穴查封又將生漢槎押追欠債拖延至今未能了楚迨至本月鈞署已稟奉省長指令准將生漢槎鑛權拍賣攤還各債生漢槎自思所有鑛權價值有限一律須售付現金實恐無人承受是此案仍不能終了再四商酌除去年售讓鑛權一半於谷岸峭之約不能不生效生漢槎甘願再將此種鑛權完全自行售讓於谷岸峭陳陶唐瀟唐晉等四人承受由谷岸峭等備價五千元作爲代價除運銷公司債項及積欠鑛井稅各款俟了案之後由運銷公司退返所押鑛圖鑛照印証等件時卽兌與現款其餘欠陳績之債及官地坪市商債均限期兌付已憑證人與谷岸峭等訂立契約所欠各債已破產還清僅餘二百元又因去年查封鑛穴時溺死警隊四人應遵省令由生漢槎與運銷公司雙方撫恤卽將此項餘款作爲撫恤費用自後生漢槎旣自願將鑛權移轉於谷岸峭等生岸峭等亦甘願承受各自心

許兩無異辭謹將所定移轉鑛權契約錄呈一份俯懇鈞鑒准爲生漢槎轉呈省署立予銷案將所押運
鑛公司鑛圖等件立令繳出給付於生谷岸峭收受又懇將此項移轉鑛權契約卽爲登記備案並爲呈
明財政廳請准變更代表名義則此種糾紛立時了結生等不勝感戴之至再者運銷公司於去年派遣
趙聲溢曾將生等運售之礦提去六十五塊計三十八擔之譜應扣價洋三百餘元生等於繳付此項債
款時理應扣除合行預爲聲明等情並抄粘契約一紙據此查陳漢槎所有偏孔塘硫礦鑛權鑛區僻在
山隅利益微末拍賣難得高價今谷岸峭等以五千元承買此鑛陳漢槎亦願將鑛權售讓雙方旣屬同
意書立契約所得代價攤還湘礦運銷公司礦款一千三百一十元陳績頂價一千六百元永和興等商
債八百元谷岸峭前受讓與價八百元積欠鑛井稅約三百元又查封時湯斃警備隊兵張東堯等四名
遵奉鈞署指令由湘礦運銷及晉豐兩公司平均分任撫卹茲比照警察巡警因公死亡例每名給予一
次卹金洋一百共計四百陳漢槎與運銷公司各應分任二百元卽於此款內扣發以示矜卹陳漢槎所
欠公私各債似此攤償尙屬平允無拍賣之必要惟查運銷公司代表趙聲溢前曾具領硫礦六十五塊
陳漢槎以產貧因懇照數扣抵債款非無理之要求並據谷岸峭繳呈商店期票代還運銷公司礦債陳
漢槎鑛權現已售與攤償債務由谷岸峭等照約履行責任旣卸是以將其交保事經解決運銷公司卽
欲賠償損失陳漢槎實無賠償之能力應請鈞座訓令運銷尅日派人來慈領款並將所押晉豐公司鑛
圖鑛照印証等件呈繳飭發下縣以便給領完案所有辦理此案情形理合抄約呈覆鈞座鑒核俯准分
別銷案施行並乞指令祇遵等情並費呈抄約一紙到署據此查此案連年糾紛亟待解決此次將陳漢

樣所有鑛權移轉與谷岸峭等承受以所得代價分償公私各債辦法甚爲平允除指令洞上印發外合
行令仰該公司即便遵照赴慈領款並將所押鑛圖鑛照印証及欠款契據等件逕繳該縣署以憑轉給
銷案此令

第

中華民國十一年六月十二日

湖南省長公署指令

令勸工場

趙恒恩

呈爲特別添置公用品擬具概算請核示由

呈表均悉據稱該場場衛單制服及蚊帳等件多破損不能適用自應准其添製查該場十年度預算案
內關於添換場衛制服帳棚各項器具什物全年列洋六十元現值庫帑奇絀此項添置各件所需之款
即應於預算案內用支不得另作特別開支來表估作所需之費超過預算所列計洋八元四角亦應節
減以符預算仰卽遵照辦理此令表發還

趙恒恩

中華民國十一年六月十二日

湖南省長公署指令

令湖南水利局長唐義彬

呈請職員姓名履歷懇分別加委由

呈及職員履歷均悉所請委任曾繼鄂爲該局總務科科長楊聲溢爲工程科科長周煦延爲湖田科科長趙篤慶爲工程科技正楊德馨爲湘沅清管湖田處委員書點爲澧安清理湖田處委員魏鑑爲常漢清理湖田處委員應予照准茲隨文發下委任命七件仰即轉給具領可也此令履歷存

趙恒恩

中華民國十一年六月十四日

湖南省長公署委任令

令水利局

湖田科長周煦延
總務科長曾繼鄂
工程科長楊聲溢
工程科技正趙篤慶

澧安清理湖田處委員書點
湘沅清理湖田處委員楊德馨
常漢清理湖田處委員魏鑑

爲令委事案據水利局局長唐義彬呈稱案奉鉤署頒發職局暫行編製條例第三條第二款及第九條
之規定科長技正及各清理委員均應由職呈請鉤署委任茲擬請以曾繼鄂爲湖南水利局總務科科
長楊聲溢爲湖南水利局工程科科長周煦延爲湖南水利局湖田科科長兼常漢清理湖田處委員趙
篤慶爲湖南水利局工程科技正楊德馨爲湘沅清理湖田處委員書點爲澧安清理湖田處委員魏鑑
爲常漢清理湖田處委員以上各員應請鉤座加委以符原案等情除指令照准外合行令委該員爲
安爲辦理毋負委任此令

趙恒毅

中華民國十一年六月十四日
湖南省長公署訓令

令湖南磁業公司董事會

爲令行事查湖南磁業公司例由官商股董事會主持前經本署委派曹典珠成麟爲該公司官股董事胡邁爲官股監察並飭其會同該公司商股董事將一切事宜妥爲籌畫以期整理在案現在該公司狀況若何當如何分別整理應由該董事等妥爲籌商以謀進行合亟令仰該董事等迅即開會協議將公司狀況切實呈明並擬具詳細整理辦法具報核奪切切此令

趙恒毅

中華民國十一年六月十五日

湖南省長公署訓令

令寧遠縣知事

爲令行事案據該縣苗圃經理李壽芝呈稱竊維苗圃創設實爲提倡森林以擴展人民經濟補充國庫之根本大計較之他項機關尤爲必要壽芝於本年三月二十日蒙縣公署委辦苗圃遵卽前來辦理經費一切壽芝從節省預算常年度費需小洋五百餘元開辦費小洋三百元左右參事會不識時務視苗圃爲不足輕重之附屬機關前次議決合併農會其與章程事實均違且農會地點設在城內苗圃地址

指定城外彼此相距已遠管理不便又將經費核減過半尙稱有餘籌芝爲地方提倡農業起見又詳細說明理由請復開議而參事員駱亨峰等議決苗圃准其爲獨立機關而於開辦費常年度費則以縣內無此各項公款不便再籌至使苗圃徒有獨立之名而無其實其地方公款則謂不能提撥爲苗圃經費必以附捐一項前經參事會議決農會已經提撥六百六十餘串苗圃僅以所餘五百串爲限並請苗圃自行向農會酌商分配似與章程大相違反茲案錄縣公署訓令內開爲令行事業案據該員呈賣苗圃開辦費暨常年費概算書表一案當經咨交縣議會旋准縣議會咨開敝會現值閉會期間法定人數不足不能開議查湖南府廳州縣暫行條例第三章第二十六條之規定相應咨請提交參事會代爲議決等因隨即提交參事會昨經參事會開會議決案載一苗圃與農會合併毋庸另修屋宇二經理員薪資照農會副會長開支每月小洋十二元三傭工暫雇一名每月工食小洋五元四農具小洋十元五種子小洋二十元六肥料小洋十元七辦公費小洋二十元八既合併農會丁役毋庸另雇九預算費小洋三十元十除以上各項開支外尙餘錢一百餘串本年作爲開辦費以後作爲擴充常費各等語合行錄案令仰該員即便遵照此令又縣公署訓令內開爲令行事業案據該員呈請將原賣預算參事會覆議一案茲於五月二十九日邀集各參事員開會討論一致表决案開查苗圃規則原屬獨立機關自應聽其獨立惟款項仍由附加券費項下自行向農會酌商分配再查苗圃規則第四條所載籌款方法係指定實業經費公款或稅捐盈餘及其他不碍正供不擾人民之款項設法籌措刻因縣內無此各項公款不便再籌各等語合行錄案令仰該員即便知照此令據此則參事會故意違反章程擢殘苗圃查各縣苗圃常

年費極少者不下千元壽之所列預算書是否過多若准參事會議決各項經費則辦理困難成績必劣與其徒負虛名不若停辦為佳况圃內林種已經播下經費尙屬懸絕誠於林業前途大有妨礙不已懇乞鈞座指示辦法以維森林而重農業為禱茲併將苗圃經費概算書二份呈請鈞座鑒核即日指令縣公署及議參兩會遵照辦理以策進行實為公便等情據此除令呈書均悉查該苗圃成立事屬創始一切開支均應極力撙節以舒公家財力俟辦有成效再行寬籌經費徐圖擴充核閱所費預算書尙有應行節減之處茲特核定常年費約為小洋四百二十六元開辦費約開支七十元准令行該縣知事轉咨議參兩會查酌寬籌辦理仰卽知照至該經理任事已久未據開具履歷呈由縣知事呈報備查於法定手續殊有未合併仰迅遵具報以資查考此令印發外合行令仰該知事卽便轉咨查照辦理此令

趙恒恩

中華民國十一年六月十六日

財政

湖南省長公署指令

令長沙縣知事

呈爲前衡山局收支劉德峻前攸局收支劉名達虧欠課款懇以該員等所管油舖街地皮抵償由呈悉前衡山局收支劉德峻及前攸局收支劉名達虧欠課款爲數甚鉅現值庫帑奇絀豈容長此虛懸仰卽將該員等所管北門外油舖街地皮標賣將價呈繳以便分別劃抵其不敷之數仍應從嚴押追毋得任意減免除令行權運總局外着併遵照此令

趙恆愚

中華民國十一年六月十日

湖南省長公署訓令

令湘岸權運總局

案據長沙縣知事周瀛幹呈稱呈爲據情轉呈仰懇察核不遵事案據卸任前衡山權運分局收支劉德峻呈稱呈爲呈報虧欠湘岸權運總局款項業經具文呈請自願破產了案伏懇轉呈省長准予銷案事竊德峻前在衡山權運分局收支差內虧欠公款一案日前曾奉鈞署轉奉上峯明令票催押繳當經央請團保展限一星期自行了案隨卽備文呈請權運總局聲明破產抵償旋奉權運總局指令內開查

第

三

十

五

期

該員前在衡山局收支差內欠解元豐祥丁春票鹽軍費六百元包索費八百元又元豐祥丁秋春和康已春引鹽正稅六千五百八十八元五角雜稅及淮商公費共洋八千二百五十元各票鹽斤均係九年十月十一月上中兩旬銷竣其時湖南省恢復已久有何裕湘票幣可言且此項票幣發行之始湘人卽不信用隨收隨兌靖平兩局收存無多一聞張督出走比即呈報本局該員如果所收甚鉅何以迄無一言各局員司向無移交項項該員供職鹹務有年亦應譖悉定章前任果索項項豈能不呈候核辦竟行私相授受添置器具例准先行估計呈請給款製辦尤無私行購備之理北軍退時衡局員役及舢舨弁勇並未更換何能強支薪水一月縱令偶有預支亦當早已扣回否則必須呈請追繳以前並無一字呈明忽稱賠墊四百餘元誰其信之察核所陳各節滿紙虛捏本無指駁價值惟公款關係重要該員虧欠多至一萬六千餘元迭催罔應貌玩已極前已呈奉省長飭縣嚴追所請以地皮二百八十餘方抵償欠款一節按照時價不敷甚多仰即自赴縣署呈候核示可也此令圖存等因奉此復經呈覆權運總局重申前請懇予抵償正候核示所有呈請轉懇銷案各緣由理合具文呈報鈞署伏乞轉呈省長恩准銷案不勝德便之至等情正核辦間復據卸辦攸縣收支劉名達呈稱呈爲呈報虧欠權運總局欵項業經具文呈請自願破產了案伏懇轉呈省長准予銷案事竊名達前在攸縣權運分局收支差內虧欠公欵一案前經備文呈請權運總局聲請破產抵償旋奉權運總局指令內開查該員前在攸縣局收支差內經銷積厚軒數記戊秋引鹽三千六百六十担積慶堂仙記戊秋引鹽一千七百七十担每担正稅三元扣收洋一萬六千二百九十九元除截至九年五月底止坐支局用洋一千一百五十四元開報鹽倉墊款一

千七百四十七元一角三分一釐既五月底以前提解三次共洋九千元十月十八日又解到洋三千元
合併支解洋一萬四千九百零一元一角三分一釐外實欠正稅洋一千三百八十八元八角六分九釐
又欠解軍費洋一千七百七十元淮商公費洋一百二十九元八角二分五釐此外尙有張敬湯所收保
護費連同原加包索費併算每担八角扣收洋四千三百四十四元又茶陵局提銷元豐祥積厚軒數記
積慶堂仙記各花名引鹽共九百九十担據報保費均由該員代收扣洋七百九十二元通盤合計統共
實欠洋八千四百二十四元六角九分四釐迭催罔應藐玩已極乃復以因公虧累爲詞果將誰欺檢閱
歷年檔案該員接收移交票洋迭據呈明抵押商家借支現洋局用薪餉批飭從七年三月起至五月止
仍以票洋交給以後照數發給現洋並未短發絲毫該局旣無須軍隊保護之必要亦無虧累可言解費
一項向例本不准開支非獨攸局爲然嗣後雖經唐前局長會商稽核處呈請另支解費亦爲數甚微該
員差內解款有幾何至虧折數百元裕湘銀行票幣湘人均不信用隨收隨兌省城以外流通甚少攸縣
僻處偏隅該員又何至收存二千餘元若謂躬親解省中途被劫尤爲信口虛捏果有此事何以當時並
未呈報前據攸局正辦余德廣於九年九月十一日呈報六月九日奉遊擊司令李令委李元弼接充攸
局正辦德廣遵將關防文卷移交惟時劉收支名達避兵江西安源至本月始行回攸業與蔣收支徑三
移交清楚截至六月九日止計徵存正雜款現光洋九千五百六十四元二角統由劉收支即日掃解此
次攸縣雖經兵事公款幸無損失亦未收存裕湘票洋等語當日情形如此該員尙刺刺不休是亦不可
以已乎公款絲毫爲重該員拖欠已久爲數甚巨乃欲以地皮百十餘方抵償了結殊屬無此辦法此案

第

三

十

前已呈請省長飭縣嚴追仰卽自赴省長公署呈請核示可也此批等因奉此復經呈請權運總局重聲
前請正候批示適奉鈞署票催押繳理應遵繳無如名達一介寒儒家無儋石加以時艱世困呼籲無門
雖明知公款不能久懸而繳解無力之苦情實非虛語惟於萬無可設法之中將先人所遺產業北門外
油舖街地皮共計四百方除割出二百八十四方丈八十万尺以之抵償前衡山權運分局收支劉德峻
虧欠款項外餘存地皮一百十五方丈二十方尺即以抵償名達所虧款項前已一再呈請權運總局俯
賜核收在案茲奉前因理合將無力遵繳之實在情形仰懇縣長曲予矜全憐情作主轉呈省長逾格裁
成准予所請不勝感戴之至等情據此知事伏查該員等所呈虧欠公款無力賠償各情形確係實在可
否仰邀准予令行權運總局卽以該員等所管北門外油舖街地基四百方抵償公款以資完案之處出
自逾格鴻慈理合據情轉呈伏候鑒核示遵等情據此除指令同上此令印發外合行令仰該局卽便知
照此令：

趙恒恩

中華民國十一年六月十日

湖南省長公署指令

令造幣廠

呈爲舊債攤還迫難容緩再申前請懇令遵行由

呈悉該廠所撥攤還舊債辦法業經本署指令照准在卷至新舊各債票根關係重要應由高劉兩前廠

長分別補蓋名章以昭慎重收據式樣尙無不合應准備案仰併知照此令

趙恒懸

中華民國十一年六月十六日

湖南省長公署函

逕覆者頃准

大函敬悉一是查湘省去歲春荒夏旱年穀不登餓莩載塗災情奇慘敝公署因維持民食起見將穀米雜糧一律禁運出口經函達

貴領事查照在案距料災區過廣即嚴禁輸出尙不免缺食之虞復經

華洋籌賑會派員赴省外購辦雜糧而轉運維艱仍難望源源接濟現距秋收之期尙遠蠹豆爲補助民食要品自未便遽弛禁令致啓恐慌務望

貴領事體念湘省特別奇災對於禁運雜糧出口原案始終維持以度難關而全民命此致

英國駐湘領事

趙恒懸啓

報

政

南

湖

中華民國十一年六月十六日

湖南省長公署指令

令財政廳廳長唐 獻

呈請辭職不准由

呈悉吾湘自辛亥改革以後事變迭乘以有限之脂膏供無窮之耗費財源日竭政治日窳迨今日欲謀
整頓非從理財着手決無成效可言惟財政受病甚深正本清源良非易事該廳長洞悉底蘊力圖補救
雖屬積重難返不宜遽萌退志務望勉支難局貫澈初衷如有破壞統一及干涉用人情事着即據實指
諫本省張定予從嚴懲辦決不稍事優容所請辭職之處應毋庸議此令

趙恒愚

中華民國十一年六月十六日

司法

湖南高等審判廳指令

令南縣知事朱家縉

呈一件呈費九年度上下兩度司法收支一覽表由

呈表均悉查九年度關於訴訟印紙本廳並未發行其征收訟費亦無令各廳縣繳解五成之文至民事狀紙本廳於十年度開始令行頒發抄錄費一項並無繳解五成之規定來表支出欄內竟稱有繳解五成狀紙印紙之數備攷欄內亦聲明繳解五成抄錄費殊屬不解且該年度司法收支長餘或不敷均未成狀紙印紙之數備攷欄內亦聲明繳解五成抄錄費殊屬不解且該年度司法收支長餘或不敷均未於備攷欄內聲明亦屬不合令行將原表發還仰即將上項繳解本廳各項五成之數列爲坐支之數並將該年度支出實在數目分別上下期說明於備攷欄內以資覈實仰即遵照切切此令

計發還收支一覽表上下兩期各一紙

廳長李漢丞

刑庭長石銘勳代拆代行

中華民國十一年六月十九日

湖南高等檢察廳指令

令耒陽縣知事

司法

一

據報朱集東命案相驗情形由呈及驗斷書均悉查朱苟乃等原訴各情本極爛茲既驗明朱集東係病後服毒身死似已無覆研究之價值乃呈尾竟又聲明俟緝獲正兇依法擬辦甚不解所謂正兇者係指何人而言將以何法辦之殊堪詫異仰即知照此令

檢察長蕭度

中華民國十一年五月三十日

湖南高等檢察廳指令

令祁陽縣知事

據報朱建棚命案相驗情形由

呈及驗斷書均悉朱顯臣因聞有人毆斃竊牛盜犯便疑係朱克湘之子朱建棚偕同屍父趕往認屍是朱建棚因爲竊牛慣盜已可概見惟屍傷既多且重核閱何家調之供詞諸多避就亦難遽信究竟曾否在場共毆以及有無喝令衆人一齊動手之事均案中最要關鍵仰速詳細偵查並一面傳集人證提同悉心研審務得確情按律判辦毋任羈延切切此令

檢察長蕭度

中華民國十一年五月三十日

湖南高等檢察廳指令

令湘陰縣知事

據報大有裕等被刦案委員勘緝情形由
呈悉案關連刦情事綦重該知事僅派一書記員前往代勘殊太輕忽仰即知照併一面嚴拿正盜眞贊
務獲審辦毋稍懈弛切切此令 繪圖存

檢察長蕭度

中華民國十一年五月三十日

湖南高等檢察廳指令

令益陽縣知事

據報余衛湘命案相驗情形由

呈及驗斷書均悉此案就相驗情形而言自係受傷後溺水身死乃來呈及驗斷書中均稱爲係受傷後
棄水身死此棄字不特絕無根據且與案情出入亦復關繫綦重此是何等事豈可強作解人以意爲之
殊大荒謬仰即知照并一面拘集犯証審明判辦毋稍率忽致滋枉縱切切此令

檢察長蕭度

中華民國十一年六月二日

湖南高等審判廳指令

令瀏陽縣知事

司法

三

司法

四

據報廖才茂命案相驗情形由呈及驗斷書均悉此案殺人地點既係江西銅鼓縣轄境被告之毛尙亨等又均爲銅鼓縣人且經銅鼓縣知事公署受理在先該知事竟又批令劉春覃等將屍扛回重爲相驗已屬無此辦法况查所驗情形又與鈔粘之原驗狀態無甚懸殊是此案應依法歸銅鼓縣知事公署判辦自屬毫無疑議仰即知照此令

檢察長蕭度

中華民國十一年六月二日

湖南高等審判廳指令

令祁陽縣知事

據報押犯王經濟自縊一案由

呈悉王經濟係自縊身死與在監病故者不同應將相驗情形填註驗斷書呈送備查該知事竟視同病故之犯填送死亡證書殊有未合管獄員常應期失於防範應照依監所職員獎懲章程之規定記大過一次俾知儆省看守人等是否僅止一時疏忽抑有教唆重情并即詳細審查依法辦理毋稍稽延切切證書發還此令 計發還証書一件

檢察長蕭度

中華民國十一年六月二日

湖南高等審判廳民庭公開審理案件告日期通告
本廳民庭六月二十六日午后一時公開審理案件如左
一蕭晚咀與譚正連因離婚涉訟不服茶陵縣知事公署第一審判決控訴一案

本廳民庭六月二十七日午后一時公開審理案件如左
一張丁氏與張永鍊因家產涉訟不服常德地方審判廳第一審判決控訴一案
一唐敬卿與唐劉氏因強取私訴不服寶慶縣知事公署第一審判決控訴一案

本廳民庭六月二十八日午后十時公開審理案件如左
一王福延與王振華因承繼涉訟不服長沙地方審判廳第一審判決控訴一案
一李月秋與李果福因嗣產涉訟不服益陽縣知事公署第一審判決控訴一案
一曹芳貴與袁路棫因墳塋涉訟不服慈陽縣知事公署第一審判決控訴一案

本廳民庭六月二十九日午后一時公開審理案件如左
一莫文氏與鄧丁氏因債務涉訟不服益陽縣知事公署第一審判決控訴一案
一張玉麟與李榮松因收田涉訟不服長沙地方審判廳第一審判決控訴一案
一林陳氏與林振清因財產涉訟不服寧鄉縣知事公署第一審判決控訴一案

本廳民庭六月三十日下午一時公開審理案件如左
一廖美軒與陳相賢因侵占私訴不服零陵縣知事公署第一審判決控訴一案

(公開審理)

(公開審理)

(公開審理)

(公開審理)

(公開審理)

(公開審理)

(公開審理)

(公開審理)

一李星順與廖積善因私訴涉訟不服長沙地方審判廳第一審判決控訴一案

(公開審理)

一何立典與何鄒氏因繼承涉訟不服瀏陽縣知事公署第一審判決控訴一案

(公開審理)

一胡有條與胡徽珍因承繼涉訟不服常德地方審判廳第一審判決控訴一案

本廳民庭七月一日午前十時公開審理案件如左

一文戴民與劉南浦因婚姻涉訟不服漢壽縣知事公署第一審判決控訴一案

(公開審理)

湖南高等審判廳刑庭公開審判案件如左

本廳刑庭六月二十六日午前十時公開審判案件如左

一控告人朱緝熙對於汝城就控告人傷害罪之所爲第一審判決不服控告一案

一控告人曹月秋等對於漢壽就控告人強取罪之所爲第一審判決不服控告一案

一控告人劉福齋對於益陽就控告人傷害罪之所爲第一審判決不服控告一案

一控告人陳振武等對於長沙就控告人共同和誘罪之所爲第一審判決不服控告一案

一控告人劉鳳鳴對於長沙就控告人幫助竊盜罪之所爲第一審判決不服控告一案

一控告人劉裕武等對於澧縣就控告人殺人等罪之所爲第一審判決不服控告一案

本廳刑庭六月二十七日午前十時公開審判案件如左

一控告人李道干對於安化就控告人傷害強取罪之所爲第一審判決不服控告一案

一控告人黃德順等對於澧縣就控告人殺人等罪之所爲第一審判決不服控告一案

一控告人李人和等對於湘鄉就聶濟廣等強取罪之所爲第一審判決不服控告一案

一控告人姜梅生對於長沙就控告人詐欺取財罪之所爲第一審判決不服控告一案
一控告人王國楨對於長沙就控告人縱令脫逃罪之所爲第一審判決不服控告一案
本廳刑庭六月二十八日午前十時公開審判案件如左

一控告人張佃秋等對於資興就黎子成等殺人罪之所爲第一審判決不服控告一案

一控告人劉楚湘對於澧縣就控告人僞造公文書罪之所爲第一審判決不服控告一案

一控告人陳貴璋等對於衡陽就龍廣寅等發掘坟墓罪之所爲第一審判決不服控告一案

一控告人李賜元對於湘鄉就控告人僞造私文書罪之所爲第一審判決不服控告一案

一控告人羅教書等對於寶慶就羅忠卓殺人罪之所爲第一審判決不服控告一案

本廳刑庭六月二十九日午前十時公開審判案件如左

一控告人何盈奴等對於汝城就控告人傷害致死罪之所爲第一審判決不服控告一案

一控告人黃富青對於資興就控告人殺人罪之所爲第一審判決不服控告一案

一控告人游日忠等對於新化就李元音等竊盜罪之所爲第一審判決不服控告一案

一控告人趙伯芝對於湘鄉就趙繼先等強取罪之所爲第一審判決不服控告一案

本廳刑庭七月一日午前十時公開審判案件如左

一控告人劉啓圭對於新化就劉克成等逮捕傷害罪之所爲第一審判決不服控告一案

司法

八

一控告人汪善甫等對於常德就控告人竊盜罪之所為第一審判決不服控告一案
一控告人羅細五對於湘潭就控告人殺人罪之所為第一審判決不服控告一案

